

Chunga Mandashcacunami

¹ Taita Diosca cashna nishpami, cai tucui mandashcacunataca curca:

² Ñucaca cancunata Egipto llajtapi huatashca shina llaquinayajta causacunmantami llujshichimurcani. Chaimanta ñucaca, cancunata Mandaj Diosmi cani.

I ³ Ñucapaj randi, shujtaj dioscunata ama charinguichu.

II ⁴ Jahua pachapi tiyajcunamanta imaman rijchajtapish, cai allpapi tiyajcunamanta imaman rijchajtapish, yacu ucupi tiyajcunamanta imaman rijchajtapish, allpa ucupi tiyajcunamanta imaman rijchajcunatapish amataj ruranguichijchu. ⁵ Chai ima tiyajcunallatatajpish ama cungringuichu, amataj adoranguichu. Ñucami canta Mandaj Taita Dios cani. Ñucapajlla causachun munaj, tucuita rurai tucuj Diosmi cani. Chaimantami ñucata p'ñashpa millaita rurajcunapaj huahuacunataca quimsa huahua huahuacama, mana cashpaca chusecu huahua huahuacunacama jatunta llaquichini. ⁶ Ashtahuanpish ñucata c'uyashpa, ñuca mandashcacunata pajtachijcunataca, huaranga huahua huahuacunacama c'uyajmi cani.

III ⁷ Ñuca canta Mandaj Diospaj shutitaca, ama yangamanta rimanguichu.

Ñucaca maijanpish ñuca shutita yangamanta rimajtaca llaquichishatajmi.

IV ⁸ Samana punllataca ñucapajlla cashcata yuyarishpa huaquichingui.

⁹ Cambaj imalla rurana cashcata rurana pajca sujta punllami, chai punllacunapimi imata rurana rurana cangui.

¹⁰ Ashtahuanpish canchis punllaca ñuca, canta Mandaj Diospajlla ch'icanchishca samana punllami. Chaimanta chai punllapica amataj imata ruranguichu. Cambaj churicunatapish, ushushicunatapish, canta servij c'aricunatapish, huarmicunatapish, animalcunatapish, shujtaj llajtamanta shamushpa canta catishpa causajcunatapish amataj ima rurachinguichu. ¹¹ Ñuca Mandaj Diosca sujta punllapimi jahua pachatapish, cai pachatapish, mama cucha yacucunatapish, tucui chaipi imalla tiyajcunatapish tucui rurarcani. Ashtahuanpish canchis punllapica imata mana rurashpami samarircani. Chaimantami ñucaca chai punllataca samana punlla cachun churashpa ñucapajlla ch'icanchircani.

V ¹² Cambaj yaya mamata c'uyangui.

Chashna c'uyashpallami, ñuca canta Mandaj Dios cusha nishca llajtapica unita causangui.

VI ¹³ Ama huañuchinguichu.

VII ¹⁴ Ama huainayanguichu.

VIII ¹⁵ Ama shuhanguichu.

IX ¹⁶ Ama pitapish yangallamanta juchachishpa llaquipi churanguichu.

X ¹⁷ Ama shujtajpaj huasita munanguichu. Shujtajpaj huarmitapish, paita servijtapish, huagratajpish, burrotapish, ima shujtaj charishcacunatapish amataj munanguichu" nishpami mandarca.